

BATASUNA. Aberri Egunean Donibane Lohizunen esandakoengatik jarri zuen salaketa Goreneko Fiskaltzak

Otegiren aurkako kereila artxibatu egin du Espainiako Auzitegi Gorenak

‘Gora Euskadi ta askatasuna’ esatea iritzi delitua izan daitekeela dio, «ez terrorismoa»

Erredakzioa | **DONOSTIA**

Espainiako Auzitegi Gorenak artxibatu egin du Arnaldo Otegi Batasuneko bozeramailearen aurka fiskalak jarri zuen kereila. Otegik Aberri Egunean mitinean «Gora Euskadi ta askatasuna» oihukatu zuen Donibane Lohizunen (Lapurdi), eta Jesus Cardenal Espainiako Estatuko fiskal nagusiak «terrorismoaren apologia» zela eta «zigortu» egin behar zela adierazi zuen.

Handik egun batzuetara, apirilaren 8an, Auzitegi Goreneko Fiskaltzak kereila jarri zuen Otegiren aurka, «terrorismoa goraipatzeko delitua» egitea egotzita. Ustezko delitua Zigor Kodeko 578. artikuluan sar zitekeela eta, Espainiatik kanpo egin izan arren, jazartzea bazegoela iritzi zion fiskalak.


Auzitegi Gorenak, ordea, kereila artxibatu du, esandakoak «ez direlako terrorismo delitua». Auzitegi Goreneko Zigor Arloak dioenez, «horrelako ekintzak ustez Zigor Kodeko 578. artikulua biltzen dituen

aukeretan sartuz iker daitezke Espainian eginak izanez gero, baina atzerrian eginak direnez eta ez direnez terrorismo delitua, ezin da ikertu».

Gorenaren jurisprudentzia

Terrorismo delituak eta ekintzak beti ikertzen direla dio Gorenak. Aldiz, apologiaren kasuan —eta hor kokatzen ditu Otegiren hitzak— ez dela horrela dio. 1987an kaleratutako epai bat aipatu du Gorenak. Haren arabera, «delitu ekintza zehatzten babes moral edo ideologikoa jendaurrean agertzea ezin da nahastu delitu ekintza horiekin». Apologia penalki ikertzen denean iritzi delitua dela dio. «Terrorismoaren apologia terrorismo delitua balitz, apologiaren apologia ere hala litzateke, absurdoraino helduz», dio Luis Roman Puerta, Joaquín Delgado eta Perfecto Andrés magistratuen epaiak, eta «terrorismoaren apologia ez» dela «terrorismo delitua» ondorioztatzen du.

Jose Luis Rodríguez Zapate-



EGUNKARIA

Arnaldo Otegi, Donibane Lohizunen, Aberri Egunean ekitaldi politikoa.

ro PSOEko idazkari nagusiak erabakia errespetatzen duela esan zuen, baina ez duela «oso gogotsu» hartu. Alderdien Legearekin ez nahasteko eskatu zuen. Diego López Garrido

PSOEko diputatuaren iritziz, Gorenaren erabakiak agerian uzten du Alderdien Legearen beharra.

Javier Arenas PPko idazkari nagusiak, berriz, Auzitegi Gore-

naren erabakia «puntuala» dela esan zuen eta Alderdien Legearekin ez duela zerikusirik. Zenbait epaile elkarte errespetuz hartu zuten Auzitegi Gorenaren erabakia.

Forum Ibiltaria unibertsitate arloko ordezkariekin elkartu da ikuspuntuak trukatzeko

Axun Erribengoa | **DONOSTIA**

Batasunaren Forum Ibiltaria atzo hasi zen eragileekin bilerak egiten, trantsizio proposamena ezagutarazteko. Euskal Herriko Unibertsitateko ordezkariekin bildu ziren Donostian, Ibaetako campusean.

Fito Rodríguez irakasleak azaldu zuenez, besteak beste hauexek izan ziren bileran: Udako Euskal Unibertsitatea, Euskal Irakasleen Elkarte, Euskal Adarra, Euskal Herriko Unibertsitate Barrutiaren Aldeko Mugimendua, Uniekimena, eta unibertsitatean zereginak dituzten ikasle, irakasle eta administrazioako langileak.

Unibertsitatea ez da behar bezala egituratu eta krisian dago, Rodríguez adierazi zuenez. Hala ere, zer egin badagoela iritzi dio, baina unibertsitateko ahaleginak «ahalegin politikoarekin» batera joan behar duela.

Joseba Álvarez Batasuneko mahaikideak adierazi zuen gatazkaren konponbiderako unibertsitate arloak konpromisoa hartzeko aukera baduela. Batasunak adostasun zabala biltzen duela oroitarazi zuen, indarrak metatu nahi dituela prozesuak aurrera egiteko.

Unibertsitateko ordezkariekin eginiko bileraz gain, Forum Ibiltaria Tolosan izan zen atzo. Eguerdian parte hartu zio-



ANDONI CANELLADA / ARGAZKI PRESS

Andoni Lariz, Angel Mari Elkano, Fito Rodríguez eta Joseba Álvarezek eskaini zuten prentsaurrekoa.

ten harrera Gipuzkoako herri horretan, eta, besteak beste, Antton Izagirre alkatea, ELA, LAB, AEK, Egunero eta zen-

bait elkartetako ordezkariak izan ziren harreran. Arratsaldean, bilera egin zuten euskararen inguruko ordezkariekin.

Iluntzean, ekitaldi politikoa izan zen, eta Joseba Permach eta Angel Mari Elkano mahaikideek parte hartu zuten.